

文廟祀典攷



文廟祀典考卷一

賜進士及第 誥授光祿大夫 經筵講官刑部尙書常熟龐鍾瑯編輯

祀典紀盛

自古受命帝王曷嘗不興秩節尊聖師以致一道同風之盛然三代而下軌儀未備沿革靡常或文至矣而實不稱章志貞教蓋其難也我

國家

開創之初卽

詔崇祀先師

列聖重光心源符契

詣學

幸魯史不絕書追五代之封定十二哲之位增復先賢先儒之祀

飾黃屋立辟雍頒彝器刊定石經重排石鼓典章文物燦然大備蓋由孔子而來二千餘年尊崇之盛未有若此者也

臣

鍾璐猥以菲材攝官東序覩祀事之孔明仰

仁聖之極軌爰稽掌故首輯盛典表年繫事無取鋪張俾諸生知朝廷崇儒重道所以廣厲學官者庶其在此

太宗文皇帝崇德元年

遣官祭孔子廟

五年定春秋二仲上丁釋奠禮

世祖章帝順治元年山東巡撫方大猷言先聖孔子爲萬世道統之宗

本朝開國之初一代綱常培植於此古來啟運之主盡有崇祀之文天下所仰以爲盛典後世傳之以爲美談應

敕官崇祀復衍聖公并四氏學博之封謹詳列歷朝恩例以備採
倣而行

諭禮部曰先師爲萬世道統之宗禮當崇祀昭朝廷尊師重道至
意本內所開各款俱應相沿期於優渥以成盛典著該部查照
一體飭行於是以至聖六十五代孫孔允植襲封衍聖公以孔
顏曾孟仲子裔襲五經博士定月朔釋菜月望上香進士釋褐
禮是年遣官祭告闕里自後凡

列聖登極

升祔及

國有大慶典武功告成皆遣官祭告焉

二年國子監祭酒李若琳請加孔子諡號

諭禮部工部曰先師諡號信宜尊崇著羣稽往例確議具奏時禮

文獻通考卷一百一十一
科給事中龔鼎孳言宜從若琳請並請舞用八佾益籩豆爲十二復大成殿之名而以宋臣范仲淹從祀復

諭禮部曰孔廟謚號加稱大成至聖文宣先師孔子既監科考訂僉同准如議行一應禮儀還照明朝舊例不必更改

八年

諭禮部曰釋奠大典允宜舉行其擇吉具儀以聞聖廟作速修理九年秋九月辛卯

上釋奠於先師

御彝倫堂講學

命衍聖公五經博士及孔顏曾孟仲五氏後裔陪祀觀禮

賜賚有差並廣國子監中額十五名自後凡遇

臨雍聖賢後裔俱令陪祀觀禮以次

賜資並廣國子監中額如制是年以浙江西安縣孔氏南宗嫡裔襲五經博士

十二年以江南婺源縣朱子裔襲五經博士

十三年

欽頒釋奠樂章六奏用平字舞用六佾三獻均進文德之舞

十四年行

經筵禮

親祭先師於

弘德殿給事中張文光言聖至孔子贊美難以形容曰至聖則無所不該曰先師則名正而實稱順治初年仍元舊謚而不稱王爵追王固屬誣聖卽加大成文宣四字亦不足以盡孔子宜改主爲至聖先師孔子

詔從之並以文廟西廡稍圯

諭工部曰文廟崇祀先師孔子所關典禮甚重今已年久傾圯若不速爲整理後漸頽壞葺治愈難爾部錢糧匱乏所需工料未能措辦朕發內帑銀三萬兩特加修葺爾部卽傳諭行

十七年重修太學告成春正月庚辰

上釋奠於先師

御彝倫堂講學

聖祖仁皇帝康熙六年

諭禮部曰臨雍釋奠大典禮儀理宜舉行已有旨修理聖廟俟完時該部擇吉具奏

八年夏四月辛丑

上釋奠於先師

御彝倫堂講學

九年以宋賢程子裔襲五經博士

十八年修先師廟西廡及啟聖祠

十九年以程氏二子不應止襲一人特增五經博士一員令各以其嫡子孫爲之

二十三年

聖駕東巡岱宗遂幸江南還幸闕里

親釋奠於先師禮官議儀注兩跪六拜如釋奠太學儀奉

旨尊禮先師應行三跪九拜禮祭畢

御詩書堂講書旋

詣孔林酌酒行一跪三拜禮

諭內閣曰至聖之德與天地日月同其高明廣大無可指稱朕向

來研求經義體思至道欲加贊頌莫能名言特書萬世師表四字懸額殿中非云闡揚聖教亦以垂示將來歷代帝王致祭闕里或留金銀器皿朕今親詣行禮務極尊崇異於前代所有曲柄黃蓋留供廟庭四時饗祀陳之以示朕尊聖之意是年以周公七十三代孫東野沛然爲五經博士

二十四年頒

御書額於太學及天下文廟以宋賢周子裔襲五經博士

二十五年

文華殿告成設孔子神位於

傳心殿

諭大學士等曰先賢先儒從祀位次應視其道德爲先後不可援師弟爲定例其酌議奏聞

二十六年頒

御書孔子贊及顏曾思孟四子贊於太學闕里

御製至聖先師孔子贊序曰

蓋自三才建而天地不居其功一中傳而聖人代宣其蘊有行道之聖得位以綏猷有明道之聖立言以垂憲此正學所以常明人心所以不泯也粵稽往緒仰溯前徽堯舜禹湯文武達而在上兼君師之寄行道之聖人也孔子不得位窮而在下兼刪述之權明道之聖人也行道者勳業炳於一朝明道者教思周於百世堯舜文武之後不有孔子則學術紛淆仁義湮塞斯道之失傳也久矣後之人而欲探二帝三王之心法以爲治國平天下之準其奚所取衷焉然則孔子之爲萬古一人也審矣朕巡省東國謁祀闕里景企滋深敬摛筆而爲之贊曰

清濁有氣剛柔有質聖人參之人極以立行著習察舍道莫由
惟皇建極惟后綏猷作君作師垂統萬古曰惟堯舜禹湯文武
五百餘歲至聖挺生聲金振玉集厥大成序書刪詩定禮正樂
既窺象繫亦嚴筆削上紹往緒下示來型道不終晦秩然大經
百家紛紜殊途異趣日月無踰羹牆可晤孔子之道惟中與庸
此心此理千聖所同孔子之德仁義中正秉彝之好根本天性
庶幾夙夜勛哉令圖溯源洙泗景躅唐虞載歷庭除式觀禮器
濡毫仰贊心焉遐企百世而上以聖爲歸百世而下以聖爲師
非師夫子惟師於道統天御世惟道爲寶泰山巖巖東海泱泱
牆高萬仞夫子之堂孰窺其藩孰窺其徑道不遠人克念作聖
御製復聖顏子贊曰

聖道早聞天資獨粹約禮博文不遷不貳一善服膺萬德來萃

能化而齊其樂一致禮樂四代治法兼備用行舍藏王佐之器
宗聖曾子贊曰

洙泗之傳魯以得之一貫曰唯聖學在茲明德新民止善爲期
格致誠正均平以推至德要道百行所基纂承統緒修明訓辭
述聖子思子贊曰

於穆天命道之大原靜養動察庸德庸言以育萬物以贊乾坤
九經三重大法是存篤恭慎獨成德之門卷之藏密擴之無垠
亞聖孟子贊曰

哲人旣萎楊墨昌熾子興闢之曰仁曰義性善獨闢知言養氣
道稱堯舜學屏功利煌煌七篇並垂六藝孔學攸傳禹功作配
是年以宋賢張子裔襲五經博士

二十八年頒

御書贊於天下學

二十九年立子思子廟於曲阜與顏曾孟廟一體春秋致祭禮臣議宋儒朱子之父松厯官閩土遂家於閩故有徽閩二派請以福建崇安縣朱子裔襲五經博士

詔從之

三十八年以先賢閔子端木子裔襲五經博士

四十一年以宋賢邵子裔襲五經博士

四十二年特發內帑修先師廟

四十九年

命直省同城大小武職照文職一體入聖廟行禮

五十一年

諭內閣曰朕自沖齡篤好讀書諸書無不覽誦每見歷代文士著

述卽一字一句於義理稍有未安者輒爲後人指摘惟宋儒朱子註釋羣經闡發道理凡所著作及編纂之書皆明白精確歸於大中至正經今五百餘年知學之人無敢疵議朕以爲孔孟之後有裨斯文者朱子之功最爲宏鉅應作何崇禮表彰時廷臣遵議以朱子升配大成殿東序位次先賢卜子下爲十一哲詔從之以先賢言子裔襲五經博士

五十二年修葺先師廟廡

五十四年以宋臣范仲淹從祀列西廡韓愈之次從江南學政余正健之請也

五十九年以先賢卜子裔襲五經博士從山東巡撫李樹德之請也

世宗憲皇帝雍正元年春三月

論內閣禮部曰至聖先師孔子道冠古今德參天地樹百王之模範立萬世之宗師其爲功於天下者至矣而水源木本積厚流光有開必先克昌厥後則聖人之祖考宜膺崇厚之褒封所以追溯前徽不忘所自也粵稽舊制孔子之父叔梁公宋眞宗時追封啟聖公自宋以後歷代遵循而叔梁公以上則向來未加封號亦未奉祀祠庭朕仰體

皇考崇儒重道之盛心敬修崇德報功之典禮意欲追封五代並享烝嘗用申景仰之誠庶慰羹牆之慕時廷臣以孔子先世五代應封公爵議上又

諭禮部曰五倫爲百行之本天地君親師人所宜重而天地君親之義又賴師教以明自古師道無過於孔子誠首出之聖也我皇考崇儒重道超軼千古凡尊崇孔子典禮無不備至朕蒙

皇考教育自幼讀書心切景仰欲再加尊崇更無可增之處故敕
部追封孔子先世五代今部議封公上考歷代帝王皆有尊崇
之典唐明皇封孔子爲文宣王宋眞宗加封至聖文宣王封孔
子父叔梁紇爲齊國公元加封孔子爲大成至聖文宣王加封
齊國公爲啟聖王至明嘉靖時猶以王係臣爵改稱爲至聖先
師孔子改啟聖王爲啟聖公王公雖同屬尊稱朕意以爲王爵
較尊孔子先世應否封王之處著詢問諸大臣具奏廷臣遵議
孔子五世俱封王爵有

旨封木金父公爲肇聖王祈父公爲裕聖王防叔公爲詒聖王伯
夏公爲昌聖王叔梁公爲啟聖王更名啟聖祠爲崇聖祠冬十
一月

諭禮部曰孔子道冠古今爲萬世師表薄海內外無不俎豆尊崇

國學乃四方表率其制尤重

聖祖仁皇帝臨雍釋奠典禮優隆朕纘承大統景仰先型羹牆如見念國學爲造士之地聖教所被莫先於此恐厯歲旣久有應加修葺之處爾部會同工部詳加閱視凡文廟殿宇廊廡及講堂學舍務須整理周備俾廟貌聿新以申景慕朕將親詣焉

二年春二月

諭禮部曰帝王臨雍大典所以尊師重道爲教化之本朕覽史冊所載多稱幸學近日奏章儀注相沿未改此臣下尊君之詞朕心有所未安今釋奠伊邇朕將親詣行禮嗣後一應奏章儀注稱幸非宜應改爲詣字以申崇敬三月乙亥朔

上釋奠於先師

御彝倫堂講學頒